

近代中國史料叢刊 第三十六輯

沈雲龍主編

潘文勤公（伯寅）奏疏

潘祖蔭著

文海出版社印行

潘文勤公奏疏

公

潘

萃


文

跡

基

請暴諸夷罪狀並劾廣東督撫疏

本年三月該夷糾約各國駛至天津任情要挾其為輕視中國已可概見若再與之議撫從此逆醜愈張國威愈損此後隱憂將有不忍言者愚以謂方今之計議撫不如議戰用兵不與用民竊聞天津紳民素知大義前次粵匪北竄卽就殄滅民力居多此津民可用之明證伏乞皇上聖心內斷勝算獨操早定大計而尤必明降諭旨以該夷罪狀布告於天下重懸賞格誓掃妖氛將媚夷辱國之粵東疆吏立置重典以為人臣不忠者戒如此則忠義自然鼓舞卽庸儒亦思奮興



請酌放八旗兵食疏

奏爲巡防孔急八旗食用維艱宜酌加體卹以培邦本而固人心事竊
本月二十二日奉

旨設立旗營巡防事宜仰見

聖慮周詳慎重京畿之至意臣惟巡防之要首重旗兵旗兵之苦目前
尤甚自銅鐵大錢壅滯旗兵領款折錢搭放當日銀價不過五吊故以
四吊作一兩今則銀價至十吊有餘兼之米糧日貴百物騰涌旗兵一
月之領款不足供數日餬口之資去夏以來投河自縊者不少現雖議
每兩加錢一千而銀價愈貴謀食愈艱每屆

皇上還宮下園輒有道旁叩

闕者而絕無爲匪不法等事仰見

列祖深仁厚澤自在人心而旗民之深明大義亦可概見在當日少減
其數實出萬不得已之苦衷在今日固結其心尤爲刻不容緩之要著
仰懇

天恩於旗兵每月折放錢款酌量議加卹不能盡復舊制亦當使足以
自存至甲米折錢或酌改本色亦於兵食有濟惟願

宸衷垂憫立沛

恩綸俾知頃刻回春實出自

九霄雨露斯人人激發天良益可收眾志成城之效臣愚昧之見是否

有當伏乞

皇上聖鑒謹 奏

請求直言疏

畧

竊自入春以來雨澤稀少近畿望澤孔殷

皇上親詣

靜明園

龍神廟拈香並於本月二十二日

親詣


黑龍潭再申虔禱仰見

皇上宵旰憂勤視民如傷之至意當此粵逆未平夷氛未息國用未裕民生未安內憂外患紛至沓來設饑饉再告何以應之近見內外臣工未免恬熙之習九卿臺諫不問忠謹之言

皇上一人焦勞於上而諸臣未能分憂於萬一是上之情不下究下之情不上達夫山澤之氣不通則其象爲暎上下之情不通則其象爲否天時人事無二致也臣等伏願

皇上戒諭諸臣各抒所見臚陳得失言之善否

聖心自有權衡若謂應天以實不以文但使三事之敷陳有裨於民生國計卽是收土壤細流之助而啟弭災召稔之機所謂實者無過於此



敬陳救時八策疏

臣愚以爲救時之策大端有八曰祈天命收人心明軍法壹兵權飭吏治勸民屯墾賊支協將力書曰敕天之命惟時惟幾又曰天視自我民視天聽自我民聽

凝承宥密消患無形古者無司馬之官蠻夷猾夏以命作士漢書志刑而不志兵蓋謂兵刑原爲一事方今賊勢披猖而刑部獄囚至六百餘人之取溽暑薰蒸將成疾疫臣愚以爲我

皇上治兵必先治刑

飭下刑部如在株連卽令取保候質消囹圄之怨氣卽以迴疆場之殺機一念好生來茲萬福臣所謂祈天命者此也

國家厚澤深仁淪肌浹髓近歲因籌餉之故一切權宜之政未能盡行停止如捐輸抽釐相繼並舉補瘡獰肉竭澤而漁然非是則餉無所出朝廷不得已之苦衷閭閻共喻惟甫經收復之地如鳳陽懷遠等處錢糧漕米自咸豐十一年照例徵收惟正供原非橫徵加賦但該府縣久罹兵燹未絕呻吟方幸井里之得還已迫催科之有日易滋驚擾無益輸將

國家方制萬里豈爭此尺寸之利而不子以十年蠲緩哉又各省應解京餉逋欠太多江南浙江藩司因之降調以致追呼火急民不聊生各路大營久虛撥餉論急公之誼自應先實內儲籌揀變之方豈可延遲軍食請

旨飭下各藩司分別款項統計一年所入幾成解京幾成撥餉斟酌盡善不得稍有後先至江浙皖豫歷年民欠錢糧或係顛沛流離或係困窮盡絕款項已屬虛懸雖徵亦無實濟合無仰懇天恩推廣

萬壽恩詔刊刻贍黃大普

皇仁概予豁免從此民無怨咨軍無謗讟但使邊境又安農桑業粟紅貫朽指顧可期所謂收人心者此也書曰用命賞于祖不用命戮于社自古以來秉鉞用威不得稍存姑息今年賊由廣德州闖入杭城擾及嘉湖所屬則周天受堵剿不力也直走長興攻陷溧水句容丹陽繼失大營潰散則和春等守禦無方也夫囊瓦不誅楚師所以日替莊賈不宥穰苴所以有功使正月檢陷清江

皇上卽將庚長正法則周天受等有所震懾不敢效尤而東南財賦之

區何至摧殘若此所謂明軍法者此也我

朝官制承流宣化責歸各布政使其督撫等官原以寄將帥之任今則用兵省分有督撫又有

欽差大臣又有總統督辦幫辦各員事權不一幾於十羊九牧江南大營將潰和春調張玉良等赴援何桂清不令前往則以勢均力敵兩不相下之故也夫九節度潰於邠州無統馭也諸宣撫潰於太原無節制也將帥特論其賢否耳如今請凡近督撫之地兵將一歸統帶不必更遣大員庶幾責有攸歸成功較易臣所謂壹兵權者此也軍興已十年矣誅鋤斬刈羽捷頻聞而賊氛愈熾何也將帥有攻勦之兵州縣無堵禦之力也近故屢奉

詔旨責成紳士辦理團練而其效同於畫餅蓋劣紳憑權藉勢官尚可以相容果其顧惜廉隅每易釀成嫌讐黃琮竇塈等所以被參劾也故借資紳士不若仍責州縣州縣果賢不忠紳士之不用命也請凡近賊州縣

飭令督撫揀擇文武幹才奏明久於其任進階加俸一照軍功優假事權司道不得掣肘爲守令者城垣其牆宇也倉庫其困害也四境其田


里也丁男其子孫也攻城不下掠野無資則將帥可以用其追勦殺一
賊卽少一賊而殄滅有期矣臣所謂飭吏治者此也潢池小醜
國家所以重困者以不生不息之財養不耕不戰之兵也興師十萬日
費萬金臨行有衣械之費在途有舟車之供鄉兵人得百錢便可飽騰
有效勒成部伍其教訓逐寇追亡不出本境故凡近賊州縣戶口逃絕
者官卽募人爲耕假以籽種流亡來復者官卽節其丁壯編入冊籍鄉
兵卽多征兵可以漸滅村堡相聯號令相習祇須蠲其租賦便可備作
干城臣所謂勸民屯者此賊之喙息金陵非有窟穴之勢也夫縛元
濟者必平淮蔡誅友諒者必下江州此賊非其倫比原無根柢之謀宜
剪枝葉之勢諸將狃於目論必欲覆其老巢頓兵堅戍師老餉絀逆援
四至我力不支往往潰敗之機實由於此今請舍之攻專事旁郡
扼天來之吮以收六合撫舒桐之背以鑿廬鎖池河之口以遏巢淝
復廣通之鎮以完高溧形勢旣孤根本自舉臣所謂剪賊支者此也古
人用兵有十道並出有三方並建及其成功歸於同心協力
朝廷命將不下十人或已鬪於穴中或猶觀於壁上尤其甚者屠城陷
邑此失律而輿尸斬將擐旗彼乘機而報捷各分畛域坐誤事機請

旨飭下各營統兵大員一路出師則諸路相爲犄角一方有賊則四方
全力兜圍倘再觀望不前定卽均治以罪庶幾千夫共膽萬人一心共

奏膚功削平大難臣所謂協將力者此也臣等應

詔據忱白忘禱昧不勝悚切慚惶之至並謹擬團練章程十二條一并

恭呈
御覽謹 奏



陳止

巡幸木蘭第一疏


署

臣等謹案北宋牟駝岡之役白時忠李邦彥等議幸襄鄧以避敵鋒李綱力主守城之說遂以卻敵前明土木之變徐陳主南遷于謙曰京師天下之根本一動則大事去矣遂立十大團營而京師安定此不遷而存者也金哀宗奔河北而金亡元順帝奔和林而元亡此播遷而亡者也前史具在遷與不遷其效可觀今日之事萬不至如前史之甚獨奈何出此下策自取顛危哉爲此策者曰

聖駕時巡仍派重臣監國俟掃蕩廓清奉迎

返蹕殊不知

皇上一出都城無主伏莽生心蕭牆變起種種危亡翹足可待又安望有掃蕩廓清之日況木蘭一隅又何足恃我能往寇亦能往設使逆夷以勁騎相追則以有所憑藉之京城轉以爲不能抵禦豈中途人心渙散尙能資其得力此不待計而決者也



諫止

巡幸木蘭第二疏

奏爲

乘輿一動大事瓦裂請斥誤國之人

明諭中外效死勿去以慰人心而紓禍亂事竊以逆夷醜眾不足當京
兵十分之二上年

天威一振殲滅幾盡今年官兵敗創彼得壓我大營之背兩路受敵立
腳不牢退紮蔡村此軍情勝負之常非有關於安危也方謂徵調援兵
尅期雲集

明示逆夷罪狀揅伐用張凡一二日閒聞有親王籲請

巡幸是何心肝爲此議論

皇上何所負於若輩而必欲

國家立見危亡乎夫巡幸者太平之盛典而非倉卒之良圖
乘輿一出其必致禍可以歷數天下者我

祖宗披草萊冒險阻百戰而得之者也

成皇帝挈大寶而授

陛下亦欲繼體守文至於萬世雖遭時顛沛當思宏濟艱難乃一矢未
加而六軍遽走試思

皇上可以巡幸

列聖神主

廟社壇壝亦能巡幸乎是負

祖宗之託其禍一也京師自開國以來經營締造越二百年城池宮室

苑囿府庫之崇深官吏名儒農工商賈之蕃庶

內府珍寶圖封之積聚世家珠玉泉幣之收藏均非一朝一夕所能驟

致近年大錢鈔票旗民積怨已深其不致於亂者

天威足以震讐之也

乘輿既出人心解體姦宄乘機焚掠頃刻蜂屯累世所儲遂成灰燼卽

使

迴鑿有日亦難馴復所觀是隳積累之基其禍二也京師者天下之根

本羣盜披猖封疆日削凡所淪陷亦難久長者以京師尚在四肢雖有

瘡痍而頭目尚無傷損也

乘輿一出四方傳聞必謂京師不守則各省人心無所繫屬已陷者遂

爲賊有未陷者難以自完是撥天下之根其禍三也兵單饒紕非一日矣將帥之臣如曾國藩袁甲三駱秉章胡林翼等崎嶇撐拄盡瘁不辭者凡爲咫尺

天顏秉成有自耳各省文報現已不通必謂千里蠟丸必達

行在恐非易事音問阻絕則諸將失所憑依是絕中興之望其禍四也大沽之敗未覆全軍使激以忠義卹以厚賞更有新集援師增長其氣多設疑兵開出奇陣未必不可一戰計不出此但欲遠避其鋒古有黃屋臨邊士氣百倍未有翠華遠出可以借一者是挫軍士之氣其禍五也洪逆南陷蘇常北據廬皖放兵四處卽可直走中原所以觀望不前者亦爲

神京鞏固耳使聞

萬乘播遷九門墟莽或由山東兼程而進或由河南鼓行而前根本旣搖藩籬誰固土崩之勢遂在目前是長寇盜之心其禍六也向來巡幸必派留京在於平時凡百皆堪勝任事起倉卒委託無人留鑰之司設有居心迷思乘此事機聞干天位萬一

鑿與既出竟有修戕勸進之人彼謂幸則爲唐肅宗明景泰否亦不失
爲張邦昌劉豫耳是盜賊之謀其禍七也自古人君遭逢季世全局
既壞計無復之爲此不得已之下策周平而後以遷亡其國者何可勝
數未有疆宇依然河山如故偶逼犬羊之眾遂棄

宗社之圖況羽林軍士家在京師回首都門驚心烽火紛紛潰散扈

驍何人且逆夷能越重洋何有於此數百里乎使其輕兵快馬日夜疾

追進無堅城退無歸路欲如今日之固守以待天下之勤王豈可得哉

是速滅亡之禍其禍八也凡此情事婦孺所知豈我

皇上聖明而有不知者臣竊思贊成此議者必力主和議之人當此和

議未定勦撫兩難恐

皇上因和不足恃而罪其計之失也遂爲此謀以圖固寵置

皇上於危險之地而不顧而以

大清二百年之社稷輕於一擲

皇上試思爲此謀者忠乎佞乎中外之人孰不切齒明臣楊繼盛有言

欲誅俺答先斬嚴嵩今日之事非將誤國諸臣立賜罷斥不足謝
祖宗在天之靈而作臣子同讎之氣臣一門四代受

國厚恩故敢瀝血直陳以冀轉迴萬一如蒙

采擇伏乞


明降諭旨宣示中外

下罪已之詔求撥亂之才納諫諍之言集戰守之畧以迴天命而收人

心

宗社神靈其有豸乎臣不勝悚惶迫切之至謹

奏



諫止

巡幸木蘭第三疏

畧

將謂

乘輿旣行夷人失所挾制以和則易以戰則難不知內變踵起患尤不

在夷人而在肘腋臣等前後諫阻

巡幸左右近習必謂諸臣身家念重欲留

皇上以備緩急耳自古

變輿出狩未見百官盡皆遇害爲諸臣計不如請


皇上巡幸臣下亦得便其遭亡其如

聖駕一出而九門變起何其如

行在難作較京師而更烈何至國君殉社稷之大義我

皇上聞之已熟當此倉卒之頃臣等更不忍以危苦迫切之論重傷

聖懷也況事勢斷不至此自貽內變尤爲失策



奏保舉人左宗棠人材可用疏

奏爲敬陳管見仰祈

聖鑒事竊以楚南一軍立功本省援應江西湖北廣西貴州戰勝攻取所向克捷最稱得力楚軍之得力由於駱秉章之調度有方實由於左宗棠之運籌決勝此天下所共見而久在我

皇上聖明洞鑒中也左宗棠之爲人負性剛直嫉惡如讎該省不肖之員不遂其私銜之次骨謠詠沸騰思有以中之久矣近聞湖廣總督官文惑於浮言未免有引繩批根之處左宗棠潔身引退駱秉章勢難挽留大宗棠一在籍舉人耳去留似無足輕重而於楚南事勢關係甚大有不得不爲

國家借此材者上年石達開回竄該省號稱數十萬眾撫臣駱秉章因本省之餉用本省之兵數月之內肅清四境蓋其時帶兵各官如李續宜蕭啟江等皆係宗棠同省之人孰長於攻孰長於守孰可以將多將少宗棠燭照數計而請將亦稔宗棠之賢樂與共事且地形之阨塞山川之險要素所講求瞭如指掌故賊雖縱橫數千里實在宗棠規畫之中設使易地而觀將有潰敗決裂不堪收拾者矣是則

國家不可一日無湖南卽湖南不可一日無宗棠也今年賊勢披猖東南蹂躪兩湖亦所必欲甘心之地不可不深計而豫籌合無仰懇天恩飭下曾國藩胡林翼駱秉章酌量任用盡其所長襄理軍務毋爲羣議所撓庶於楚南及左右鄰省均有裨益臣與左宗棠素無認識因爲軍務人材起見冒昧瀆陳是否有當伏乞皇上聖鑒謹奏

請飭廷臣恭議

文宗顯皇帝升祔大禮疏

奏爲議禮大典應請

飭下廷臣再議以昭詳慎事臣等伏讀

大行皇帝聖製甲寅孟夏詣齋宮卽事成什末句以後無須再變更注

云

天壇配享以三祖五宗爲定永不再增配位已見庚戌之

旨猶恐後代無知故違朕旨則儀文太繁或又有變更故末句有

聖製詩恭懸齋宮永垂法守臣等誦維之下仰見

大行皇帝言法行則至當至精初非博謙讓之虛名也臣等久值內廷

受

恩深重得瞻

聖藻足爲千古定評何期

弓劍未寒頓生異議爲臣子者於心何安伏乞

皇上本繼志述事之誠盡尊

親養

志之道將王大臣會議一摺及載垣等一摺陳孚恩一摺黃宗漢一摺
一并交王大臣敬謹會議以彰

聖孝而慰

先靈臣等不勝惶恐屏營之至謹

奏

密陳五事疏

奏爲敬陳管見仰祈

聖鑒事伏見我

皇上回鑾之後首斥奸佞下詔求賢朝野臣民額手相慶臣世受

厚恩何敢自安緘默謹就禱昧之見爲我

皇上陳之一曰勤

聖學夫典學之教三代所同聖敬日躋率由是道

皇上沖齡踐祚

天資聰明顧周成以史佚爲師漢昭有韋賢之教降而東漢桓焉桓郁

入授帝經史冊流傳侈爲盛美故宜首擇耆德重臣如翁心存倭仁王

茂蔭者時加延訪以爲矜式至於朝夕起居必親賢士大夫之日多斯

近宦官宮妾之時少尤宜妙選儒臣上輔

至德昔宋之盛世有通英殿侍講崇政殿說書等官國朝向有日講之

制

大行皇帝初政曾國藩曾疏請行之繪圖呈進今請

飭下部臣酌議變通康熙舊制並於翰林中選擇數員日備顧問歲月

漸摩養成

聖學正本清源莫先乎此一日求人材保國之道得材爲先多事之秋用人尤亟方今理兵理餉動有乏人之憂然天之生材不限時代近來楚南一隅得人爲盛要亦山曾國藩駱秉章胡林翼三人提倡於前舉賢舉能聯翩共起以此而論天下大矣何材蔑有臣愚謂宜令在廷大小諸臣各抒所見各舉所知廣開言路勿拘常例果有學識超羣名實兼副者破格用人待以不次庶充僚下士皆得自伸夫使拘成格以求英俊是反鏡而索照矣戒徵幸而絕言事是懲美而吹鑿矣且白載坦等數年用事以來內外臣工未有一疏劾其罪者遂日長其跋扈不臣之氣其餘臺諫章疏大率毛舉細故者居多耳今請嗣後所有封奏卽賜批發其不足採擇者立予擲還庶委瓊之譚不敢上瀆而伉直之氣得以稍伸臣下所受者虛名

國家所收者實效不亦可乎一日整軍務今天下之亂日亟而軍事之弛日甚則事權不一軍法未彰之故也

朝廷命將不下十人或已闕於穴中或猶觀於壁上尤其甚者攻城陷

邑此失律而輿尸斬將擐旗彼飛章而騰捷各分畛域坐失事機臣愚以爲宜設經略節制各省使之統籌大局於戰守事宜諸將功罪核實奏聞險要情形繪圖呈進定以限期如嘉慶年間辦川楚故事果使蕩平有效

國家何靳此經略之名乎至若失事者自江浙兩省統兵大員張玉良李定泰等未膺顯戮人有玩心甚或如張玉藻者逃脫經年未聞見獲朝廷之法將何所施嗣後凡臨陣逗遛城池失陷者立正典刑庶人知警畏矣一日裕倉儲國本以足食爲先禮曰無三年之蓄則國非其國今盜賊外訖倉儲內罄一旦乏食可爲寒心畿輔雖號豐登不足自食采買之法此當急講現今湖廣漸就肅清已可耕種廣東上海甯波福建各海口道途通順福建又有臺米宜廣設方略招集商人當於天津馬頭設立收米局請派局員分董其事務使出人廉平各得其利俟其飛芻輓粟水陸騰集然後徐平其價如經費固無所出則權時之計更開米捐以濟目前之急猶恐來者不勤宜照戶部捐輸例再減一成庶幾偏僻咸徠可以集事一日通錢法自咸豐四年改用大錢後錢法益壞商賈把持公私賤削戶部鑄當十錢僅行都城之內鼓鑄累年徒耗